

雪逢藁

劉溪姚

鋪

希聲

予自壯喜學文而苦於拙澁雖才氣有定稟亦根本
薄故枝葉踈既謫衡杜門省答之外稍盡力於聖經
賢傳若有所竟取曰藁讀之大有愧焉將畀烈炬有
類鷄肋者因為一編以識予愧他日苟能勉進於道
斯亦不足觀也已端平二年歲乙未

詩

春日書懷

柔風散原野百草搖春心
葉薄曜陽彩嚶鳴調好音

節物一以交萬感集素襟玄髮不常君華景無停陰
胡為苦貧賤征塵翳瑤簪萱葉覆堂階荆花感晴林
明當理星駕歸息清溪潯

雜詩

北風日以勁古道無人行陽坡樹已黃陰崖草猶青
四時相代謝誰為此枯榮攬衣坐幽磴下有流泉聲
聽之不成調挹之有餘清悠々京洛塵汚人頭上纓

春館

山館四無隣東風伴幽寂瓶花羞晚紅庭草銜春碧
猿扳松樹枝雀踏蒼苔色麾之不肯去聽讀麻衣易

見趙章泉

秉芳獨向章泉老四海兒童以字傳特詔難更高士
服好詩多入賈人船行窩冷落熙寧後放鶴風流景
祐前一代典刑能幾見願從儿杖履耆年

見袁蒙齋

書說曾傳到剡中不圖今見古人風間生伊洛二三
子安得龔黃十數公仁性未嘗離日用道心元自與
人同繫齋衣鉢慈湖學願發精微一啓蒙

懷雲泉頤山老

拈吟世慮輕求道不求名病起春風過閑居野草生

游山尋舊屐煑藥試新鑪別久空相憶疎鍾隔水鳴

寄徑山敬溪翁

心遠人間世燈傳國一禪靜中無劇暑詩外總閑年
掛錫雲生樹烹茶月落泉幾時歸去得再約剡溪船

拜先君墓

次第瞻山看水流夜臺中閱憶三秋新松成行如人
長老鶴無言似我愁僧奉晨昏惟若供兒悲霜露只
蘋羞結廬終歲關心事怕悵鍾聲出暝樓

送暉冲晦歸天竺

西湖山下多竒石師去今遊乳竇峯遙想石臺登講
罷野猿歸洞鶴歸松

寓雪川

王戴溪頭小隱仙漁翁引上雪溪船幾回倦釣思歸
去又為蘋花住一年

春夜曲

金魚鑲合蘭釭小酒不支愁尋睡早梨花欲墜風更
寒燕子不歸春自老流蘇護帳香雲結三十六簧清
吹咽緘書欲寄湘水深城烏啼落花西月

夜發漁浦

為親從薄官不復計脩程斷浦迎潮別孤帆帶月行

秋來江柳變夜久水煙生前路猶淹泊凄其賦遠

桐廬道中

兩岸山如簇中流鏤翠微風颿逆水上江鶴背人飛
野廟青楓樹人家白板扉嚴陵臺下過不敢浣塵衣

頭陀菴

衣緇髮可梳雲外卓菴居佛換新花供幡拈古偈書
剛松容徑竹種茗間園蕨為應諸方供山房盡日虛

出山

雲陰漠漠雨瀟瀟坐兀歸輿墊興遙石礮水流苔路
滑竹籬秋去菊花焦誰將束緼求山火自立寒谿問
板橋官事奔何日了倚松臨水羨漁樵

題畫壁

兩山灌木帶晴鷗泚春流漾浦沙隔岸小舟呼不
應碧桃花外是誰家

寄范中洲

高隱就詩名中洲雅趣成几前脩竹淨屋上落泉鳴
柘圃春風織山田野火耕滿山薇蕨老客至足蔬萌

野廟

未知何玉廟歲月日已非熏爐松柏煤畫壁苔蘚衣
門空牧豎戲樹老山魃依田家社酒香紙窖生光輝

懷范正夫

愁霖滴禾黍秋暮滯雲莊但慮輸井稅不憂無積倉
竹鷄啼野塹飢鼠走山房不飲論文酒思君覺夜長

宿護國寺觀晦翁先生題名

滿樹樓花滿迳松解鞍纔是暝樓鍾上方月白山雲
靜看見東南一兩峯
看了題名看跋文自憐不及晦翁門野僧惜打殘碑
賣時共山猿洗墨痕

寄冲晦

欲答前春信西飛鴈不逢應隨丹竈鶴同看白雲松

花雨繡經石山鳴出定鍾何時尋旧住却說武夷峯
訪中洲

踏雨來敲柳下門荷香清透紫綃裙相逢未暇論竒
字先向水邊看白雲

賃宅

及春遊帝里賃宅似吾家兩箇生新草風牀受落花
病多添老懶慮澹遠紛華時与幽人過燒香煮茗芽
悼復石壁

一死雖如蛻殺身真可哀僧危能仗義詩好更多才
崔怨蘭亭月雲消石壁苔旧時同社友寂寞載書來

送僧

去結茅堂雲水邊
曉行持鉢落花天
得錢未用栽松
本先買溪南田石田

王別駕訪天竺願暉二師

宝香熏徹碧蓮臺
別駕尋僧日暮回
聽雨齋前驚樹
長洛雲池上看花
開青山久不逢坡老
玄窟親曾識
辨才二老風流如昨日
百年詩石未蒼苔

序陵贈異孤峯

幾度雲間望
雀飛相逢猶喜及
秋期明朝採藥青原
洞好掬寒泉供祖師

寄劉敏叔

一生貧樂鬢成絲
前輩風流及見之
道外無營偏愛
畫靜中有趣只吟詩
雲生茅屋湖山近
秋滿荒園橘
柚垂見說地幽人
罕到自同妻子種江蘼

自青原回访敏叔幾不相遇

晚汲山泉洗硯回
要看竒石立蒼苔
騎驢應為尋詩
出放雀還知有客來
一井清寒宜茗飲
千林黃落獨
梅開他時老圃如
能學只乞山中橘
本栽

寄趙東野時以帥檄撫定贛叛

東野山人有晉風
歸來三徑自栽松
錦囊句好閑中

趣鉛鼎丹成靜處功無事杖藜隨野宿有時隱几看
晴峯長江近日風波惡莫向深淵下釣筒
清晨閑上鬱孤臺鼓咽樵樓角更衰病葉滿山雞獨
掃狂花一樹為誰開泉枯石井獅空吼雨暗荒池鳳
不來欲向江東問仙老海風吹浪駕舟回

送贛士謁前贛侯楊東山

凝香句滿空同石靜向東山卧白雲夫子自能明易
學衆人誰解識玄文空江短棹浮詩卷別岸飛花撲
練帶到得帶園春已過煮茶應共竹間分

題東山贈何青霞詩後

青霞道士來相見手閱東山詩一卷句裡明知山水
心筆端照見煙霞面昨宵夢上寥陽殿仙官敕作青
霞傳：成不及卷中詩得續靈歌三百遍

午興

心閑日理黃庭四体和柔勝藥靈獨步小軒無一
事老視陰囊雀梳翎

雜著

核齋銘

青原陳羲以核名齋敬菴姚鏞為銘其義銘

曰

是核雖微中有太極散一於萬斂萬於一元亨利貞
根條花實、中有元生、不息及現我心有如此核
廣而克之碩果不食且而伐之害仁曰賊敬之、
以種厥德

存齋箴

人之一心均具此性動而為情因物而應彼枯亡者
斧斤之勝而助長者樞苗之病必有事焉勿忘勿正
敢告心官常持以敬

冰壺說

唐梁國公作冰壺箴以厲當官者曰萬安
令李東揭而名縣之西齋鋪朝夕處冰壺
之下知誠不在目而在心也遂為之說曰
人之一身宰之者心凡身之動皆心之形大哉此心
至靈至神至明至清天地自此位日月自此明四時
自此運鬼神自此靈萬物自此生一狗乎意則昏、
滑、不能如鑑之澄天地日月鬼神皆為之不寧四
時萬物又烏乎有成無恠此身為物所櫻夫惟克己
復禮閑邪存誠不汨子本靈本神本明本清而後此
身表裏自然如玉壺之冰故曰嗜欲將至有開必先
天降時雨山川出雲

修改和縣西山道院記

縣距四百步有舍人山清溪橫前恠石如龜蛇狀蟠
伏湍流中令袁君采奇之即其麓創道院中設真武
像余始至眎其屋污敗而弗燬視其垣頽圯而弗金
視其途巖險而弗可扳竊病之他日過之污敗者飾
而丹青頽圯者築而窓楹巖險者甃而階陛異之間
所為道士張思立揖予旁曰是邑人鄭君洽孫也思
立聞長老言昔驛道徑山上院降一等雲遊之屨滿
戶外自路徙院下涉層級而上之日以凋寂如病之
不瘳已二十年邑之人未嘗過而問令鄭君方妙年
能不受其力起精神於暮月間其勇於鄉善者半世
蓋有席厚簪新之然計秋毫雖骨肉若不相識者亦
有不宝金玉而宝声色棄美利田宅如棄敝屣者語
及為善望之而去之若將浼焉鄭君不猶愈乎余喜
道士之言旨也因志于壁善鄭以功來者

程太中祠堂記

贛有太中程公祠紹定六年始也宝元康定間公嘗
宰贛邑之興國其政事其言行有家傳在不復論著
獨取其壽斯道之脉者表而祠之初公倅南安瀘溪
周子為理椽不為守所知公獨知其為有道者俾二

子學焉明道伊川先生也天之將興斯文也固必有以啓之然其道心之存目力之異加於三遷之放一
等矣蓋自孟子歿而說行志功利者舞權謀跋性命者溺佛老天理民彝晦而不明群聖人傳心之統絕而不續周子生於千四百年之後超然神會而心得之原理與氣以窮造化之精微本誠與幾以明知行之根抵衆人固不識也微太中周子之蘊孰發之微周子二程先生之學孰傳之今而晦者明絕者續天下後世知有堯舜禹湯文武周公孔子孟軻之道不胥而夷者推本而論太中公有功於斯道不其盛歟學者既知敬事周程三先生則思所以敬事太中公者宜若宗之有祖矣贛實公曰游地而崇祀無所非所以昭有功開來學也間嘗語之教授畢允升與知之士咸謂闕典乃即學宮士先生祠崇像設位與瀘溪並俾邦之士游於學拜於祠躍然有動於中為人父者知所以隆師而慕道為人子者知所以親師而學道詳味乎周程之書邈而求諸語孟六經之教沉潛涵泳如參點之在孔門此則立祠之本意也此又贛之人父師責也雖然是豈特有望於贛之人是年小至日郡守姚鏞

繼周壙記

繼周予庶子也紹定元年冬予官庠陵明年春予婦周氏卒冬繼周生故名曰繼周秀韻而健踰月能笑言立予膝從予閱書人異之曰傳一經必此子是年寇起江湘州縣騷動弟鑊携繼周歸葬周氏于剡又明年予蒙恩為令迎安輿就養繼周偕吾至杭得驚疾死于玉山道中嗟乎吾見汝之歸而不見汝之來也寿夭耶比歲老弱壯稚死于盜賊者幾千百人世之奔走於名利旅而歿者幾千萬人繼周生兵間甫一歲非有後於利名也以予故徃來數千里其亦幸而不死於盜賊其亦不幸而歿於旅也天耶余年將四十而鰥不能靜退保此子以續先人之祀誰續耶周氏誰繼耶人謂傳經者夢耶鑊舟其骨來萬安予不忍客之也歸藏於周氏墓下其生己丑十月四日其卒庚寅十一月六日其葬辛卯十二月十日予剡溪姚鑊希声也銘曰天生之耶胡不予之寿夭死之耶胡為予之秀嗚呼豈其秀故弗壽

題蔡九峯洪範內篇後

易以象顯範以數推自然之理也河洛呈文至于今幾千歲易之象雖已著而範之數無傳焉非無傳也

不知而作者悔之也九峯先生獨能闡神禹不傳之
秘分一於萬該萬於一天地事物之變古今興亡之
幾性命道德之蘊皆不逃乎一九八十一之間休用
一源顯微無間妙乎其擬諸易也惜也不壽而數之
辭未備宣天亦新此書之全即後世有子雲必能補
之嘗觀啓蒙極筮三書實与是篇相表裏西山真先
生表公墓謂不愧父師之傳諒哉晚學小子輒不自
揆併刊于章貢郡齋与學者共之

題戴石屏詩卷後

詩盛於唐極盛於開元天宝間昭僖以後則氣索矣
世後使然可与識者道也式之詩天然不費斧鑿處
大似高三十五輩使生遇少陵必將有佳句法如何
之問晚唐諸子當讓一頭

題孔明抱膝長嘯圖

俗工圖孔明抱膝長嘯者類多髯而巾九雲殊不知
九雲乃征南蠻後之巾也按孔明事昭烈相後主凡
二十六年而隕星之變乃五十四則抱膝長嘯正年
二十四五時少年英槩如此司馬德操目之伏龍鳳
雛諒哉

題畫卷

蘭幽潔而孤芳木輪困而壽考此君子所以不願人
知靜養以樂天之道

上吉守范計院啓

勢雖養寇甘羅專殺之辜事有從權迄彼至公之貸
本非得已夫復何尤伏念某謾學字人粗期行志見
惡如去草必使其絕根焉治民猶牧羊豈容有敗群
者矧此萬安之邑控於諸峒之衝厥有渠魁久為巨
蠹人不堪命莫保室廬之安天誘其衷俾離巢穴之
險蛇如不斷蔓恐難圖遂行國人皆曰殺之言不暇
士師則可以之間彼何人者欲有利耶詭捷振於郵
筒飛謗書於墻壁大府從而深詰微蹤因以自明向
今天地之可証寧免春秋之責儻茲蓋伏遇心知任
理治豈求名以善愛而酌事物之情以能明而寬吏
民之過念其務除民害固難用法如平時知_レ非貪
天功斷不殲人以無罪悔_レ之山判賜以海涵_レ敢不
恪守官常益明仁術大事則從其長焉有貳心為下
而亂則刑更當三訊

賀人得郡啓

天好復還帝音渙寵在外十九年矣名亦隨之惟良
二千石乎階而升也已卜中留之近毋嫌外補之近

共惟奎壁瑞星斗牛英氣胷次有不傳之學世間無
未讀之書直同太史一編相為名世未許晚唐諸子
可與言詩得失付之晏如富貴待其自至雖然野服
若無意於人間不道除書已相尋於門外惟相川之
千里尚瓜戍之二霜上方興久不見之思公豈荷來
何暮之詠須知捷徑由此假途人謂令狐了綸坡之
事業世期安石收棊壘之勲名公側聽郵傳不知屐
折昔曾對月同歌招隱之詩今慶逢時請上得賢之
頌

謝薦啓

斐章冒進敢覬賞音薦墨遽騰略無難色喜斯文之
有脉信凡骨之能僊伏念公隱吏為貧嗜書成癖黃
卷對聖賢何暇語耶苦吟逢公卿皆不覺也一編持
以印可八字慨然品題學有源流漢唐人所罕到文
稱雅健籍湜輩恐未能譽其過情榮不蓋媿茲蓋伏
遇踐履至熟權衡不欺察吏於澄按之間不動聲色
取人於言辭之末如見肺肝遂令狂簡之徒獲與吹
揚之數公敢不若金斯礪期玉于成道之將行今幸
逢於先達學而時習尚期到於古人

通交代康尉啓

雪舟入興厭披黃綬之塵丹鼎迎仙喜動青雲

締好襞楮請期共惟識老 才充以學 有

郢中之集散作和聲居多 之賢習聞 矧能

濟美宜顯為官藁爾 和勞哉吏隱 不嫌於噲伍

我徒媿於盧前人意喜新蚤望渡關之氣天心審瑞

佇符飛鵲 破硯漫將雕弓亦故而今全璧所

望匿 如燕寄巢待涼風而徑去有龜負印指吉日

以相傳

雪蓬葉終